



BIBLIOTHECA
UNIV. IAGELL.
CRACOVENSIS

37217

II


Mag. St. Dr.

P



37217

I



A
P
M

Ex

un

Ty

8

6

9

M E N S I S
A S C E T I C V S
RELIGIOSI HOMINIS,
MEDITATIONES
XXX.

Ex quibus plures de ijs, quæ
concernunt Statum

Religiosum.

S T V D I O

*Unius Canonici Regularis Lateranensis
Professi Cracoviensis*

COMPLECTENS.

Anno Domini 1713.

C R A C O V I Æ,

Typis Francisci Cezary, S. R. M., Illustriss.
& Reverend: Dñi Episc. Cracov. Ducis
Sæverix; necnon Scholarum Novo-
dvorsic. Ordinarij Chalcographi,

*Domus probationis Cracov. ad S.
mariam.*

Approbatio Censoris.

Libellum hunc, MENSIS
ASCETICVS RELIGI-
OSI HOMINIS *intitulatũ*,
Et verè Catholicas Medita-
tiones, triginta continentem,
typo dignum approbo.

M. BASILIUS PLASCZE-
WSKI, S. T. Doct. & Professor,
Ecclesiarũ Cracov: Cathedra-
lis Canonicus, Collegiatæ SS.
Omniũ Præpositus, S. R. M. Se-
cretarius, Librorum Diœcesis
Crac: Censor. In Collegio
Majori. 1713. Die 20. No-
vembris.

37. 2. 17
T

AD-

ADMODVM REVERENDIS DOMINIS,
DOMINIS,

Canonicis Regularibus La-
teranensibus Congre-
gationis

Per Minorem Poloniam, &
Magnū Ducatum Lithvanix
Extensæ,

Confratribus suis Obser-
vandissimis.

Inter continuas Vestro commodo
temporali applicatas sollicitudi-
nes meas, ut spirituale quod Ve-
strum commodum promoveam,
hanc opellam Vobis offero. Ad-
modum Reverendi Domini.
Menſem Aſceticum Religioſi Ho-

minis eam intitulavi, ex eo quòd
numero dierum mensium aliquo
modo respòdeat numerus distincta
rum in illa Meditationum. Meditā
di methodū sequor in nostra Cōre-
gatione usitatam, scilicet in qua-
tuor Puncta quamlibet Meditati-
onem subdivido, Actum alicujus
Virtutis subjungendo. Brevi-
licet Puncta sint, ea tamen pri-
vata cujusvis devotio ampliare,
ac protrahere pro libitu potest.
Accipite ergo hoc exiguum magni
affectus mei erga Vos documen-
tum, ego precabor Calites, ut fru-
ctuosè hunc Mensem percurrentes,
felicem Æternitatem incipiatis.

ME-

MEDITATIO I.

*De vera Cognitione DEI in
hoc mundo.*

Punctum I. *Considera*: quàm multi non cognoscunt verum Deum, ut eum cognoscere oportet. Et sic Ethnici facturas & opera manuum hominum colunt; Judæi licet credant unum Deum Factorem Cæli & terræ, non tamen Eum credunt ut Trinum in Personis; Hæretici etsi cognoscant Deum verum, tamen multis Ejus revelationibus non assentiuntur; ex his alij non cognoscunt Deum verum, alij non cognoscunt Deum, ut Eum cognoscere oportet ad salutem.

Punctum II Considera; Catholici omnes, imò Sacerdotes & Re-

ligioſi, quicunq; vocationi ſux non reſpondent, non cognoscunt Deum verum, ut eum cognoscere oportet; nam licet ore Deum profiteantur, factis tamen Eum negant. Ah miſerum ſtatum talium hominum!

Punctum III. Considera, quàm pauci ſunt, qui cognoscunt verum Deum; quàm pauci ſunt, qui cognoscunt Deum, ut Eum, cognoscere oportet; hoc eſt, qui cognoscunt Deum, & ut Unum in Eſſentia Trinum in Perſonis, & ut Redemptorem, Sanctificatorem, Iudicem vivorum & mortuorum, &c. & ſimul Eum verè diligant, & filiali timore metuant! O Bone Deus da mihi amorem pariter ac timorem Tui.

Punctum IV. Considera: deplorando

randō miseriam eorum, qui non cognoscunt Deum, ut Eum cognoscere oportet ad salutem; imaginare, quomodo tales in nocte infidelitatis, ac aliorum peccatorum ambulent; & nisi Divinæ gratiæ lux illis affullerit, in foveam æternæ damnationis cadent. *Considera*: an non sis de numero talium? *Observatâq;* ariditate cordis tui in obsequio Divino, ac alijs habitualibus imperfectionibus tuis, dole, ac emendari propone.

Actus Cognitionis & Amoris DEI.

O Summum Bonum! Dulcissime JESU! quis mihi dabit, ut ego Te quotidie, quôvis momentô verè cognoscam, ac cognoscendo, intentissimè præ omnibus creaturis diligam? O si pos-

sem ad veram Tui cognitionem ac amorem inducere omnes infideles, Hæreticos, peccatores, libentissimè etiam nunc totum sanguinem meum profunderem: suscipe o Deus hoc votum, hanc promptam voluntatem meam, eamq; gratiâ Tuâ confirma.

MEDITATIO II.

De Amore DEI.

Punctum I. *Considera, & præ oculis tuis pone beneficium creationis, & conservationis tuæ in hoc mundo O quot creaturas rationales reliquit Deus in statu puræ possibilitatis! Quas, si fortè in statu actualis existentiae poneret, exactius, quam tu, servirent Deo, melius illum diligerent, diligentius Mandata Ejus custodirent &c.*

O quot

O quot homines, quos nôsti, cum quibus conversabaris, mors absumpsit! te miserum ex statu possibilitatis extraxit Deus, & hucusq; conservat! O quanta tibi inest obligatio amandi Deum!

Punctum II. Considera: beneficium Redemptionis tuæ: poterat Deus sicut totum genus humanū, ita & te relinquere in massa perditionis æternæ, sicut defacto reliquit Angelos malos; *nam quis imputabit tibi, si perierint nationes, quas Tu fecisti?* (Sap: 12.) Non reliquit te, sed miseratus tui, pretiosissimo Sangvine, & durissimâ morte suâ te redemit; prior te amavit, qui amore tui mortuus est, ah redama amantem te!

Punctum III. Considera: præmium, quod Benignissimus Deus

promisit diligentibus se; nec oculus vidit, nec auris audivit, nec in cor hominis ascendit, quæ præparavit Deus ijs, qui diligunt eum (ad Cor: 1. c. 8.) Amas hominem ob spem temporalis præmij, & quomodo non amabis Deum, æternum tibi præmium præparantem, promittentem?

Punctum IV. Considera: quòd amare Deum, quia te creavit, sit observantia naturalis; amare Eundem, quia te redemit, sit obligatio servilis; amare, quia prior te amavit, sit gratitudo necessaria; amare, quia cælum promittit, sit lucrum gloriosum; at amare Deum, quia est Bonum supra omne Bonum, hic amor eximius est: Hæc est Charitas Dei perfecta, sic ama Deum: Nos miseros! sæpe leves
ima-

imaginariæ bonitatis stillulas captamus, & infinitam Bonitatem negligimus!

Actus Amoris DEI.

SI obligatio, quâ benefactoribus nostris pro acceptis beneficijs devincti sumus, tanta sit, & singula beneficia, quali titiones & ignis spiritualis incentiva! quantum o Domine Amoris ardorem in corde meo nasci par est, cum tot habeam faculas amoris tui? Atq; hoc tantò magis, quia in Te solo reperiuntur omnes amandi causæ ac rationes. Si namq; Bonitatem Tuam considerem, quis Te melior? si pulchritudinem, quid Te speciosius? si suavitatem, ac benignitatem, quis Te suavior magisq; benignus? si amorem, quis nostri aman-

amantior illô, qui tanta, hominû
causâ, passus est? O amantissime
super omnia amata! o amabile
principium meum, & summa suf-
ficientia mea! quando Te amabo
totis vivibus, & ex tota anima
mea? quando Tibi in omnibus
placebo? quando morietur in me,
quidquid Tibi contrarium est? quã-
do totus incipiam esse Tuus, &
desinam esse meus? quando me
depascent amoris Tui flammæ?
quando felicem illam videbo di-
em, quâ sublati omnibus impe-
dimentis, facies, ut unus spiritus
tecum sim, nec in posterum à Te
divellar? O Domine, ecce me to-
tum offero, in quem omnem iram
Tuam liberè effundas, tantùm ne
deneges mihi amorem Tui. Non
aurum nec argentum postulo, imò
neq;

neq; cælum, nec quidquam creatum; hæc enim abiq; Te animum meum nequeuat satiare? Amorem quero, amorem efflagito, suspiro; da mihi amorem tuum, & sufficit mihi.

MEDITATIO III.

De Quiete Cordis humani.

Punctum I. Imaginare homines avaros, ambitiosos, luxuriosos, invidos, iracundos &c sæpenumero insomnes ducere noctes, quotidie cupiditatum suarum cruciari aculeis

Punctum II. Adverte an in horum numero non sis? quod deprehendes facile, si reflexionem feceris super sensuales appetitus tuos, ac immortificatas passiones proprias.

Punctum

Punctum III Cogita de remedijs, quibus ſanari poſſint animæ tuæ vulnera, quæ tibi ſpiritualem adimunt quietem.

Punctum IV. Scias potiffimum eſſe remedium ad obtinendam internam quietem, ſi te conformes Divinæ voluntati in omnibus adverſitatibus, & proſperitatibus tuis.

*Actus Reſignationis ſui ipſius
Divinæ voluntati.*

F*Ecisti nos Domine ad Te, & inquietum cor noſtrum, donec requieſcat in Te (S. Auguſt) Et verè quies in Te ſolo, non in alia creatura, quia Tu ſolus potes deſideria noſtra explere, Tu appetitus noſtros fatiare vales. Aurum, honor, impurus amor, o quantum perturbant hominem! At verò*
reſi-

resignatio nostri Tux voluntati, securam animæ parit quietem, quam nulla rumpere potest adversitas. Igitur Clementissime Salvator generis humani JESU CHRISTE, resigno meam voluntatem, fragilem, inconstantem, semper ad vitia pronam, Tux voluntati, fac de me, quod vis. Premere me vis anxietatibus, calumnijs, contumelijs, *fiat voluntas Tua.* Vis, ut laudem aliquam, aut honorem apud alios habeam, *non nobis Domine, non nobis, sed Nomini Tuo da gloriam* (Psal: 113.) Vis me mori? moriar. Vis me vivere? vivam. Vis me esse in cælo? sit ita. Vis me ardere in inferno? *fiat voluntas Tua.* Paratum cor meum Deus, paratum cor meum, ad quodcunq; volueris.

MEDITATIO IV.

De Prestantia Vitæ Religiosæ.

Punctum I. Considera, vitam Religiosam esse promontorium bonæ spei, Fortunatas Insulas Gratiarum Divinarum, portum naufragantium, Arcam Noë, extra quam quisquis est, in proximo submer-
sionis existit periculo. Insuper considera Statum Religiosum esse cælum in terris, in quo contem-
planti animæ manifestat se Deus, spirituali dulcedine eam replet, afflic-
tam solatur, languidam sanat, corruentem erigit &c.

Punctum II. Considera, Religiosos liberari à curis sæcularibus, nec debere sollicitari cum Martha erga plurima, sed Uni (quod summe necessarium est) vacare Deo.

Expen-

Expende Benignitatem Dei erga te, quod Illius Gratiæ dexterâ ereptus fueris de continuis turbulentis maris fluctibus, id est, de fallaci, & fraudulento sæculo, in quo si viveres, fortè in æternum perires

Punctum III *Considem*, quantum homines sæculares affliguntur propter sollicitudinem bonorum temporalium, imò varijs ultrò se exponunt periculis vitæ, v. g. mercatores propter lucrum, milites propter stipendium, Nobiles, brevi transiturum honorem &c. Et tu, qui Religiosam vitam elegisti, cur te pescis in Dei servitio? cur mortificationes inordinatarum passionum tuarum renuis? quæ non temporaneû, sed perpetuû in cælesti Patria lucrum & honorem tibi adferent.

Punctum

Punĕum IV *Confidera* pericula, ac casus ferales illorum, qui postpositâ Religiosâ vitâ, sæcularem statum elegerunt: vel tædio affecti Religiosæ vitæ, Prælationes sibi, ut extra Obedientiam essent, apud Principes procurârunt, siue pretiô, siue obsequiô adulatoriô &c. Deplora horum maxima pericula, ac suppliciter ora Deum pro his in sæculi pelago naufragantibus, ne illos demergat in profundum inferni, sed ad portum felicem vitæ Religiosæ, à qua recesserunt petulanter, Gratia suæ dexterâ reducat.

Actus Gratiarum actionis.

Q*Vid retribuam Domino, pro omnibus quæ retribuit mihi? (Ps 115)*
O ineffabilem Clementiam Dei! qui

me in adoptionem Filiorum Dei vocasti. Quæ mea dignitas? eripuisti me de sæculi fluctibus, ac naufragio, quod meum meritum? In Arca Noë, ne perpetuum subirem naufragium me inclusisti, quid in me Tibi complacuit? Gratias igitur Tibi pro tanto Tuo erga me indignum peccatorem amore refero, ac simul promitto me semper Tuis dulcissimis inspirationibus obedientem fore.

MEDITATIO V.

De Beneficio Vocationis ad Statum Religiosum.

Punctum 1. Considera, quis te vocavit? Deus est, non homo, non Angelus, non ulla creatura. Deus est, cui homo, Angelus, cui servit

ſervit omnis creatura. Vide ergo quem Dominum naſtus fueris, vide quanta alacritate, quantô ſtudio huic Domino ſerviendum ſit?

Punctum II. Considera, quem vocavit? te miſerum pulviſculum terræ, mendicum, pauperem &c. O quantum numerum meliorum, quàm tu, reliquit Deus in mundo pleniffimo periculis! te vocavit in numerum Electorum ſuorum, reſponde factis vocationi tuæ.

Punctum III. Considera, in quem finem te Deus vocavit ad Religionem? *Ego elegi vos, ut eatu & fructum afferatis;* (Joan: 15.) ſcilicet, ut eas de virtute in virtutem, de tempore brevi in longam æternitatem, & fructum afferas in patientia, non aliam mercedem laborum tuorum in Religione quærens,

rens, nisi Dominum Deum tuum,
qui est: *pars hereditatis tue, & ca-*
liscus tui; (Psalm: 15.) nisi salutem
animæ tuæ

Punctum IV. Gratias age Do-
mino Deo, pro dono vocationis
ad statum Religiosum, ac pete, ut
tibi concedat donum finalis perse-
verantiæ in hoc statu.

Actus petenda perseverantiæ.

Quid conferunt, O Deus meus!
Omnes virtutes sine perseve-
rantia dono? Quid feliciter na-
vigasse prodest, si navis in portu
pereat? aut pugnae tempore strenue
le gerere si tandem hosti cedit vi-
ctoria? aut arare & serere bene,
si messis tempore segetes evane-
scunt? Perseverantia enim est,
quam primum, gloria, & coro-
na consequitur, sine qua nulla
virtus

virtus vitam æternam adipiscitur. Concede igitur mihi Benignissime Domine pretiosissimum perseverantiæ donum, quod solus donare potes. Ne verò ex me huic dono aliquod impedimentum obstat, fac me omnem rerum caducarum amorem radicitus evelle-
re, meumq; totum cor in cælum ita transferre, ut quamvis corpore in terra hæream, spiritu tamen apud Te vivam.

MEDITATIO VI.

De Conversatione exemplari Religiosorum.

Punctum I. Considera, Religiosum, ac quemvis spiritualem debere esse rosam inter spinas, solem sine ecclipsi, speculum absq;
macu-

macula; horologium sine errore, ad cuius vitæ & conversationis sonum, cæteri homines actiones suas dirigant. Persuadeas tibi rem tanquam certam, quod Religiosi ac Spirituales Viri tot censores habeant, quot homines, cum quibus vivunt, & conversantur; ideoq; omnia dicta, ac facta tua ita debes ordinare, ut non scandalizes proximum, sed potius ædifices.

Punctum II. Considera, quòd sicut ex proba vita, & cōversatione exemplari Religiosorum ac Spiritualium Virorum, multa bona in populo, ita ex eorundem vita improba, multa mala sequantur. Quod considerans cum S. Gregorio dic: Nos Præpositi populo, auctores mortis existimus, qui esse debemus duces ad vitam; ex nostro peccato;
populi

populi turba prostrata est. Ah! quàm horrendam rationē Supremo Judi- ci reddituri sumus, dum de manibus nostris sanguinem eorum requirit, quos in anima occidimus improbâ vitâ nostrâ.

Punctum III. Considera, quis- quis scandalizasti proximum, in quanto salutis animæ tuæ versaris periculo. Imaginare animas ex inferno cum magno ejulatu vociferari contra te, quod tam gravium pœnarum ijs inflictarum, tu causa extiteris.

Punctum IV. Considera, quanta sollicitudo tibi adhibenda sit circa animas, maximè tuæ curæ commissas, ut eas & verbis, & bono exemplo tuo, ad viam salutis adducere possis.

Actus Contritionis.

ERubesco miser, ac maximè
 confundor, stans in conspectu
 Tuo Dulcissime JESU; imò tre-
 more cōcutiuntur omnia ossa mea,
tristus est anima mea, usq; ad mor-
tem, (Matth: 26.) dum recogiti-
 tat multas animas per me mise-
 rum peccatorem periisse in æter-
 num. Illæ ardent in inferno, eru-
 ciantur à dæmonibus, & ego cur
 vivo? cur ad infernum non præ-
 cipitor? Ego siquidem causa ho-
 rum peccatorum, quæ misellæ illæ
 animæ commiserunt. Ah cur me
 Juste Judex non judicas? cur pro
 sceleribus meis congrua non de-
 cernis supplicia? Tua hoc video
 Clementissime JESU Bonitas fa-
 cit; vitam prolongas mihi, ad pæ-
 nitentiam

B

nitentiam

nitentiam vocas, pullas cor, ad emendationem vitæ excitas. O Bonitatem! o Clementiam! ubi estis fontes lachrymarum? quantocius ex oculis meis erumpite, & cum pænitente Publicano hunc Iusto Judici supplicem libellum porrigite, *Deus propitius esio mihi peccatori.* (Luc: 13.)

MEDITATIO VII.

De tepiditate in Dei servitio.

Plunclum 1. Considera, non paucos Religiosos esse, qui in primo ingressu in Religionem, sunt tam morigeri in suis actionibus, tam casti, modesti, devoti &c. ut Angeli in carne censeantur; sed vix finiunt Novitiatum, & ecce quanta morum in dies mutatio! si voluntati eorum non satisfiat in cibo

cibo, potu, amictu &c. protinus excandescunt, contra Superiores murmurant, illis detrahunt &c. En Angeli lucis quomodo in Angelos tenebrarum transformati.

Punctum II Considera, quàm multi NeoPresbyteri, dum se præparant ad primum Missæ Sacrificium celebrandum, exactè conscientiam suam examinant, Confessionem fidelissimam faciunt, pia proposita statuunt &c. Ast quamdiu hic fervor? vix per unam diem! Venit secunda, tertia, quarta dies &c. magis ac magis tepescit in dies. adeò ut Cælestis Panis in Missæ Sacrificio vilescat illis & nauseet anima eorum super hoc dulcissimo Manna, tanquam super cibo levissimo.

Punctum III. Considera, an non

ſis de numero eorum? quod de-
prehendes facilè, ſi in bilance ju-
dicij tui poſueris vitam tyrocinij
Religiſi, & vitam præſentem,
quàm obſervans fuiſti Regulæ ac
ſtatutorum tuorum! quàm ſilen-
tij amans! quàm ſobrius! caſtus!
Superioribus ad nutum obediens!
ſpiritualium colloquiorum avidus!
Præh dolor! Nunc omnia contra-
ria in te videre eſt.

*Punctum IV. Conſidera, & ad-
mirare tam repentinam tui muta-
tionem: unde de modis renovan-
dæ vitæ tuæ cogita, ex quibus hi
præcipui eſſe poſſunt *imus*. Ut
Actum Contritionis facias de omni-
bus imperfectionibus tuis, eaſq;
per Confessionem expies cum fir-
mo propoſito non reincidendi. *2dus*
Otioſorum converſationem devita,
ſed*

sed cum talibus conversare, qui te meliorem reddant. *3^{us}* Juxta S. Bernardum, *sit tibi cella pro celo, ora, lege, scribe, &c.* *4^{us}*. Examen conscientie, tam matutinum, quam vespertinum non omittas; plurimum etiam conducit ad renovandum spiritum annua collectio per octo vel decem dies.

Actus Humilitatis.

Vide Domine fragilitatem meam; fateor quod ubi vitam in perfectiori ætate meliorare debui, in vitia majora præceps eo. Dum me reflecto super quotidianos defectus meos, quibus summam clementiam Tuam offendo, me indignum esse censeo confortio servorum Tuorum. Att sciens Te summum Bonum, ad Te recurro; Sol es, dissipa tenebras peccatorum

meorum; Medicus es, sana infirmitates animæ meæ; Pastor es, corrige errabundam ovem, da efficacem gratiam mihi indigno peccatori, ut renovem vitam meam in melius, & proficiam de virtute in virtutem.

MEDITATIO VIII.

De motivis ad perfectionem tendendi.

Plurimum 1. Considera, quod inter motiva ad perfectionem tendendi, sit tibi primum motivum; Voluntas Dei, juxta illud: *Hæc est Voluntas Dei sanctissimi Patris Vestri.* (1. ad Thessal. 4.) Et illud Christi; *Estote perfecti, sicut Pater vester:* (Matth: 5.) Et licet universaliter hoc intelligatur de omnibus

bus Christianis, specialiter tamen
pertinet ad Viros Spirituales, &
in sortem Domini vocatos

Punctum II. Considera, aliud
Motivum ad perfectionem tenden-
di tibi esse: Doctrinam Christi.
Docet Ille: *Esto e perfecti*, (Mat: 5.)
Audi Illum, & juxta doctrinam
Ejus te compone; certè non est
nobilior Magister, quàm Christus,
in quo benè complacuit Aeterno Patri.
(Math: 17.) Ipse ergo audiendus,
ipse imitandus.

Punctum III. Considera, deniq;
Motivum ad perfectionem tenden-
di tibi esse; vitam Christi. Chri-
stus quamdiu in terris conversa-
tus est, semper perfectiùs & perfe-
ctiùs operabatur ab infantia sua,
proficiendo juxta illud: *Crescebat*
etate, & sapientia inter homines.

(Luc: 2) Cur? ut nobis relinqueret exemplū similiter faciendi.

Punctum IV. Considera, an præfata motiva moveant te ad perfectionem adipiscendam? movent fortè? si eorum motioni respondes, gratias age Domino Creatori tuo; si non? confundere, dole, emenda.

Actus petendi studij Vitæ Spiritualis.

CONcede mihi quæso Domine JESU Christe, Divinum Spiritum Tuum, quo tandem Tuus esse, sanctamq; vitam ducere, & homo spiritualis esse incipiam. fac me plenè intelligere, quomodo ex me ipso nihil boni præstare possim, ut omnem à me præsumptionem abijciam, in Te verò possim
lin

Am omnia. Occuper semper in
vilitatis ac profundæ miseriæ meæ
attenta meditatione; cognoscam,
quid tandem essem, nisi manu Tuâ
sustentarer, ut sic me in Tuo con-
spectu humiliem. Attendam ra-
tioni, quam de Divinis donis Tuis,
deq; gravissimis peccatis meis, Ti-
bi sum redditurus, timeamq; Di-
vina Tua ac occulta judicia. Æqua
animi gratitudine læta suscipiam
& adversa, cum eodem utraq; amo-
re, Paternisq; visceribus à Te mi-
hi mittantur. Subijciatur oratione
spiritui caro mea, & hujus intui-
tu omnem asperitatem amplecta-
tur, repellat mollitiem & delicias
omnes. Hæc mea sit occupatio,
hoc studium, hæc vera fitis, Tibi
uniri, Te frui, excutere, quidquid
divellere me potest, à Tua gratia,

& intima dulciq; familiaritate Tua.

MEDITATIO IX.

De Intentione recta.

Punctum 1. *Considera*; per Intentionem rectam etiam minimas actiones honestas fieri meritorias: è contra opera, quæ videntur ex se bona, si desit recta intentio, fieri mala. Imaginare mercatorum, militum, aliorumq; præsertim vilioris conditionis hominum labores; quos si pro Dei amore Ejusque gloria sustinerent, certò certius mererentur vitam æternam; sed quia ipsorum intentio est temporale lucrum, ideò fortè laborant sine ullo suo merito.

punctum 11. *Considera*, quàm multi sunt etiam Religiosi, qui media nocte ad Matutinum surgunt,
morti-

mortificationes varias, juxta Religio-
nis suæ consuetudinē faciūt, grolsè
vivunt, vili vestitu gaudent, onera
& labores varios subeunt; præcla-
ra hæc facinora licet videantur es-
se meritoria quoad oculum huma-
num, sed Deus intuetur cor, in-
tentionem respicit: nam si tales
Religiosi habent pro fine majorem
gloriam Dei, sui contemptum, il-
lorum talia opera sunt meritoria
vitæ æternæ. Si verò id ex con-
suetudine faciunt, cum vana glo-
ria, vel formidine pænarum clau-
straliū, talia opera non sunt me-
ritoria vitæ æternæ.

*Punctum III. Considera, nec Sa-
cerdotum valere quidquam ingen-
tes labores in prædicando Verbo
Dei, in excipiendis Confessionibus,
in visitandis infirmis, &c. Si*
finis

Anis illorum sit honor apud homines, lucrum temporale &c. Timendum est! ne alicui ex nobis in puncto vitæ exprobretur, sicut cuidam nuper exprobratum est: *Predicasti te pro me, accipe in mercedem te pro me.*

Punctum IV. Considera, an non sis de numero talium; & si adverteris te multa fecisse ob vanam gloriam, ob commodum temporale, ex consuetudine magis &c. deplora hos defectus tuos, & simul fac propositum, ut quàmprimum evigilaveris, omnibus actionibus tuis pro fine statuas Majorem Dei gloriam.

Actus humilis supplicationis.

MENS ac cor nostrum continuo
rotantur circuitu in diversa.

Tu

Tu vides Domine Deus, qui nô-
sti corda filiorum hominum. O
quàm rarò nostris animis hæret
amor & honor Tuus! sæpissimè
laboramus, deludamus, pro unico
lucro temporali, vel vana gloria,
vel ex aliquo alio inordinato fine!
Et ita potest meritò dici de nobis:
laborantes tota nocte nihil cepimus.
(Luc: 5.). Quid enim vita nostra?
nisi nox; quia in tenebris pecca-
torum degimus; in hac nocte dum
etiam maxima subimus onera, &
quid reportamus? quid capimus?
nihil! nam præter Gloriam & Ho-
norem Dei, quidquid intendimus
nihil est. Vide ergo Domine De-
us noster, quàm cæci sumus, qui
in actionibus nostris lumen Glo-
riæ Tuæ non spectamus, sed te-
nebras pravæ intentionis. Illumi-

na cæcos mentis nostræ oculos, ut
abhinc nihil aliud spectemus in acti-
onibus nostris nisi solam Gloriã Tuã,

MEDITATIO X.

De mortificatione passionum.

Punctum I. *Considera*, ex ori-
ginali peccato omnes humanas
passiones tuam habere originem,
quæ si non mortificentur, trans-
formant hominem in brutum, ut
demonstrat S. Chrysost. sic v. g.
passio iracundiæ trasformat homi-
nem in venenatum serpentem, pas-
sio luxuriæ in equum hinnientem,
passio gulæ in lupum voracem,
passio remniscentiæ injuriarum, in
gibbosum camelum, passio astutiæ
in subdolam vulpem, passio ino-
bedientiæ, in recalcitrantem asi-
num &c. Quare imaginare ho-
mines

mines passionatos; esse monstra quædam, nam licet speciem hominis habeant, inclinationes tamen & passiones ferarum.

Punctum II. Considera, quicumq; es spiritualis, refrenandas tibi esse omnino inordinatas passiones, ne qui in alto Sacerdotalis præeminentiæ (quæ Regali comparatur à S. Petro) culmine existis, & cælestem in terris vitam ducere obligaris, in turpissimum degeneres mōstrum.

Punctum III. Considera, quàm multoties non mortificando passiones tuas, cū sis spiritualis, præbuiti scandalum sæcularibus, quandoq; occasionem improperiorū &c.

Punctum IV. Considera, invenienda tibi esse remedia mortificandi passiones tuas; & si alia non suppetunt, suggero tibi; *imò*, Linguam

gvan tuam mortifices freno ſilentij, ne in verba detractoria, calumniatoria, maledictoria &c prorumpat: memor illius; *Qui non refrenat linguam ſuam, illius vana eſt religio*; inquit S. Iacobus Apoſtolus. 2do Si adverſeris præcipuè in examine conſcientiæ, quod in te aliqua paſſio prædominetur, ſtatim recurre ad orationem, ut Deus tibi det gratiam mortificandi vehementem paſſionem tuam.

Actus Humilis Conſiſſimis.

Domine, vim patior, reſponde pro me. Vides Dulciſſime JE-
SU, quàm inter atroces & crudeles verſor hoſtes, dæmon, caro, ac mundus exerunt totas vires ſuas, ut me ab Amore Tui retrahant, & ad ſe alliciant. O me miſe-

miserum ! Undiq; affligor, undiq;
insidiæ mihi parantur. Et inter
hos meos adversarios, fraudulen-
tior & truculentior est mea Caro,
quæ mihi blandum amoris infigit
osculum, & occultè catenas infer-
nales parat. *Ita inimici mei, do-
mestici mei.* Hæc caro mea sub
specie boni, ad omnia mala me
stimulat, ad iracundiam provocat,
superbiam persuadet, impura de-
sideria preponit; verbo, omnia
incentiva vitiorum in corde meo
suscitat, & sentio *carnem meam re-
pugnare legi mentis meæ.* (ad Galat.)
Quid igitur faciam Domine Deus
meus? ignoro ! Remedium aliud
non invenio, nisi ad Tuam mile-
ricordiam recurrendi. Specta quæ-
so o Domine ! *ecce servi nostri do-
minantur nobis,* (Thren: 5.) dum
animæ

animæ meæ ancilla caro imperat,
 me ad vitia trahit; Eheu! Clemen-
 tissime Deus non permittas am-
 plius dominari mihi tam vilem fa-
 mulum meum, frange illius po-
 tentiam ac Vires, illius passiones
 cœerce, Scuto Gratiae Tuæ me pro-
 tege ne succumbam, sed ut hunc
 domesticum hostem, Carnem me-
 am, vincam, & illius satellites,
 sensus externos sub servili iugo ha-
 beam, & ita Tibi sine ullo impe-
 dimento hostili fideliter serviam,
 Te ex toto corde amem, in sæcu-
 la, Amen.

MEDITATIO XI.

De continentia Spiritualium.

Punctum 1. *Considera*; quàm
 dolosè sæpenumerò dæmon cum
 viris spiritualibus procedat, quibus
 sub

sub specie sanctæ conversationis, aspectum in sexum muliebrem suadet, & tunc carnales delectationes ingerit, quibus tanquam acutissimo telo animas eorū vulnerat, & omni pretiosissimarum virtutum substantiā spoliatur; ut jure merito non unus lamentabili voce exclamare cogatur; *Deprædatus est oculus meus animam meam.*

Punctum II. Considera, sicut per continentiam hominem quodammodo mutari in Angelum, ita per incontinentiam etiā affectivam, Religiosum virum, transmutari in turpissimam bestiam, Hydræ infernali non ab similem.

Punctum III. Considera; quanta damna adferat etiam unica carnalis delectatio, si illam ad cor admiseris; Ecce privat te Gratiā Dei, quæ

quæ longè majoris valoris est, quàm mundi omnes divitiæ, honores, ac voluptates: facit te inimicum Dei, odibilem Sanctis Angelis, omnibus creaturis. Itupendum monstrum, cùm imaginem Dei, impressam in anima tua, delectationum carnalium lutô deleveris, & figuram suis in volutabro fœtidissimo sese volutantis assumpseris.

Punctum IV. Considera, incōtinentiæ peccatū, vel maximè in Sacerdotibus & Religiosis, esse Deo, Angelis, ac hominibus, summè contemptibile; tum propter factorem hujus delicti, tum propter scandalum aliorum, qui advertentes in spirituali Viro hoc vitium, mox in gravissima ruunt scelera, arbitantes omnia sibi licere, si hoc in spiritualium Patrum suorum vita deprehendunt.

Actus

Actus supplicationis pro obtinenda continentia.

Dulcissime JESU, Fons puritatis; scio neminem posse esse continentem, nisi Tu dederis ei. Quapropter supplex ad Te recurro in maximis procellis, quas excitat demonis furor, contra animam meam. Immittit quippe per Carnis oculos, carnales concupiscentias; per aures ad noxias voluptates trahit, per nares spargit luxuriæ fragrantiam; per oris ostia amaras aquas, quas saccaro delectationis hic vafer condit adversarius; immittit per poros membrorum meorum carnalia desideria. At vide hoc Domine Deus, & contere potentiam inimici mei. *Salvum me fac Domine, quoniam in-*
trave-

traverunt aque usq; ad animam meam Tibi cor meum trado, ut in illo Liliū Castitatis, Sponsæ animæ meæ quiescas; Tibi omnes sensus tam internos, quàm externos totaliter resigno, ne per illos adversarius meus immittat carnalium concupiscentiarum aquas, sed perpetuam, quàm Tibi vovi, servem castitatem, Tuo amorī semper inhæream &c.

MEDITATIO XII.

*De inestimabili valore Religiosæ
Paupertatis.*

Plunctum 1. *Considera*; ipsam rerum naturam tanti æstimare paupertatem, ut omnibus divitijs eam anteponat; nam aurum, argentum, & alios divitiarum thesauros

sauros in terra abscondit, ac pedibus calcari facit, persuadendo quasi, ne hæc avarus mortalium animus concupiscat. Hinc Ethnici Philosophi solo naturali rationis lumine sibi persvaserunt summam præstantiam paupertatis, ut Crates, Bias, Diogenes, & multi alij maluerunt, in privato lare pauperimè vivere, quàm in divitijs & honoribus, asserentes: Paupertatem conducere ad beatam vitam; è contra divitias ad eandem impedire.

Punctum II. Considera, quantum & animæ & corpori securitatem paupertas adferat; quia homo pauper invidiæ telis, quæ potentissimos quoq; trucidarunt Principes, non obijcitur, securum capit somnum, semper hilaris est,
et si

etſi totus dilabatur orbis, impavidum ferient ruinæ. Contemplationi rerum Divinarum vacat cum ſumma cordis voluptate ex Gratiarum Divinarum dulciflua abundantia; & ideò pauperi Religioſo paupertas pro ſummis delicijs, ac divitijs debet eſſe, cùm hanc hæ infallibiliter ſubſequantur, juxta illud; *Vos qui reliquiſtis omnia, & ſecuti eſtis me, centuplum accipietis.*

Punctum III. *Conſidera, illos Religioſos eſſe miſerrimos, qui voluntariam paupertatem profeſſi, conqueruntur contra egeſtatem ſuam, etſi non re, tamen voto, divitias accumulanti, deſiderando, ut nullam in victu, veſtitu &c. ſentiant injuriam; tales tum in anima, tum in corpore infelices ſunt; in corpore, nam egeſtate premuntur*

muntur eo magis, quò magis eam fastidiunt *in anima*, tum quia mælitia vehementi, quæ ex apprehensione paupertatis consequitur, affliguntur; tum quia affectivè proprietarij sunt, adeoq; in magno periculo &c.

Punctum IV. Considera, quantæ eos manent divitiæ in cælo, qui voluntariam paupertatem elegerunt in præsentī vita: Vestitus enim vilis, quò nunc induuntur, transmutabitur illis in pretiosissimum ac lucidissimum amictum Gloriæ illius ineffabilis, quam Beati possident in cælo: locò vilium & paucorum ferculorum exsatiabuntur Divinâ Præsentīâ, quâ facie ad faciē perpetuò fruëtur, pro pauperula cella, in æterna Beatitudine, tribuetur illis sedes Regalis ful-

gidissima, ornatissima; & quis
quæso paupertatem spernet? eam
tibi esse molestam censebit? &c.

Actus voluntarie Paupertatis.

O Quanta stultitia mortalium
est, Dulcissime JESU? qui
perituras divitias quærunt, & Te,
in quo sunt omnes Thesauri di-
vitiarum æternarum, relinqvunt.
Nudi egressi sumus de utero Ma-
trum nostrarum, cooperuisti nu-
ditatem nostram, & tamen nos
miseri non contenti amplissimis
Providentiæ Tuæ donis, ad mun-
danas anhelamus divitias, anima-
bus nostris noxias. Nos qui pau-
pertatis votum emisimus, sæpè de-
licias ac divitias sæculi quærimus.
Obsoleta vestis nobis pudori est,
victus moderatus salibus ac mur-
mura-

murationi expositus. O nos miseros ! non consideramus, quanti Tu Dulcissime JESU paupertatem æstimasti, ut illam posthabitis cælestibus divitijs, assumens naturam humanam, eligeres, quam per totam vitam Tuam, & præcipuè in Cruce, in qua nudus mortuus es pro redemptione generis humani, servasti rigidissimè: tum, ut nos ad paupertatem Tuo exemplo incitares, tum, ut animas nostras cælestibus divitijs repleres. At Domine Deus vide fragilitatem nostram ! natura nostra per peccatum originale corrupta, semper ad vitia prona, rarò quæ Spiritus, sed quæ carnis desideria sunt, sectatur. Unde per paupertatem Tuam Dulcissime JESU, quam amore nostri per totam vitam Tuam servasti,

Te suppliciter rogamus, ut sensu-
alia desideria nostra, quæ pauper-
tatem horrent, fluxas opes appe-
tunt, comprimas, ut Tibi in pau-
pertate Spiritus serviamus, & ni-
hil avarum cor nostrum expleat,
nisi Tuus Amor, qui Immensus ac
Infinitus es in sæcula.

MEDITATIO XIII.

De præstantia Obedientia.

Punctum I. Considera, Obedi-
entiam excellere omnibus vir-
tutibus, imò etiam oblationi, ut
testatur scriptura: *Melior est Obe-*
dientia quàm victima Ideòq; sicut
sine obedientia nulla Deo grata est
virtus, ita si illa sola adsit, ma-
gnum acervum meritorum accu-
mulat. Expende Filium Dei JE-
SUM Christum tanti æstimasse
obedi-

obedientiam, ut juxta probabilem Theologorum opinionem acceptaverit præceptum strictum moriendi pro salute nostra, cui satisfaciendo factus est obediens usq; ad mortem.

Punctum II. Considera: te hominem esse miserrimum, pulverem terræ, receptaculum omnium miseriarum, nudum de utero materno editum, & cur superbis terra & cinis? Superioribus tuis debitam obedientiam præstare renuis? Expende Luciferum de supremo loco cælesti in infimum & ignivomum inferni locum propter superbiam decidisse: & tu metue similem casum, si voluntati Prælatorum tuorum parere nolueris.

Punctum III. Considera: Prælatos tuos esse Omnipotentis Dei Can-

cellarios quorum ore Divina manifestatur voluntas: Unde quidquid dixerint, vel mandaverint, etiamsi videantur tibi indiscreta, irrationabilia, eorum acquiesce consilio, vel præcepto juxta doctrinam Apostoli: *Obedite Præpositis Vestræ*. Imaginare & pro certo habe, quod Benignissimus Deus specialibus suis auxilijs assistat Superioribus, ne errent in regendo Grege sibi cōmissio; quare tua judicia judicio Superioris subde, planè: *confidens fore, ut Deus pro sua Benignitate eam illi injiciat mentem, quæ tuis etiam rationibus conducatur, ut monet S. Xaverius.* (Lib: 7. Ep: 7.)

Punctum IV. Considera: Si quandoq; Superiorum præceptis non paruisti, ipsi Deo magnam fecisti contumeliam, ut ipse Christus in

Evan-

Evangelio ait: Qui vos spernit, me spernit. Et juxta Apost. Qui potestati resistit, Dei voluntati resistit.

Actus Obedientie.

O Dulcissime Salvator, JESU Christe, Tu descendisti de cælo in vilem terram nostram, & cum sis Rex Regum, & Dominus Dominantium, suscepisti servilem humanæ Naturæ conditionem, Obedisti Patri æterno, Matri Tuæ Sanctissimæ, Josepho Nutritio Tuo, imò & Crucifixoribus tempore Passionis Tuæ, & ego miserrimus homuncio, peccator maximus, cur non obediam Superioribus meis, per quos Tua Divina manifestatur voluntas? Igitur Te per Obedientiâ Tuam oro, digneris juvare infirmitatem meam, liga voluntatem

svavissimo vinculo Gratiae Tuæ, ut
semper sub jugo humilis obedien-
tiæ existat, Superioribus suis ad
nutum pareat, illorum judicium
suæ scientiæ ac prudentiæ præferat,
& omnes Actus suos illorum vo-
luntati conformet.

MEDITATIO XIV.

De perseverantia in statu electo.

Plunctum I. *Confidera, te ele-*
gisse Statum vitæ tuæ ex instin-
ctu Divino, in quo respondens vo-
cationi, quicumq; perseveraverit usq;
in finem, hic salvus erit. Imagina-
re in omni statu esse adversitates,
quas quicumq; patienter pro amore
Dei tolerat, tanquam per potio-
nem amaram, quam nobis cælestis
propinat Medicus, dulcem animæ
sani-

sanitatem, quam per peccatum amisit, acquirit.

Punctum II. Considera, cæteris statibus præeminere Statum Sacerdotalem, vel Religiosum; tum quia in ejusmodi statu multæ vel plures amputantur occasiones Deum offendendi: tum quia in statu spirituali longè major Divinarum Gratiarum percipitur ubertas, quàm in statu sæculari.

Punctum III. Considera, non debere te scandalizari, dum advertis in Religione tua aliquos defectus, & non debitam Regulæ ac Statutorum Observantiam; nam homines sunt, qui in Religione vivunt; Non mirum, quod corruant. Tu quantum fieri potest, cura observare Statuta Religionis Tuæ, si autem id præstare non

poteris absq; gravi offensa Confratrum tuorum, desideria id explere, & Deus coronabit tuam voluntatem, æquè ac si ipso facto executus fuisses.

Punctum IV. Considera, si v. g. in tua Religione magnum tædium, & quotidianas afflictiones sentis, te pusillanimum ac imbellem esse; si ex hac Religione, ubi hæc pateris, ad aliam, etsi strictioris observantiæ migrare vis; Hic enim major tibi in cælo paratur laurea, quia majus certamen hic, quàm illic cum hostibus animæ tuæ ini-re potes. Persvadeas tibi procertò, quòd multoties Dæmon transformet se in Angelum Lucis, multa proponit nobis sub specie perfectionis illicita & nociva animæ. Si igitur vehemens desiderium sen-

tis mutandi institutum tuum in melius, proba illud per ferventes ad Deum Orationes; ac varias corporis mortificationes; Utrum sit ex impulsu Spiritûs S. an non ex suggestione inimici? qui sæpius svavi apparentis Sanctitatis ambrosia venenata gravissimorum peccatorum condit toxica.

Actus Perseverantia.

Quid est dulcissime Deus, quod me indignum ad Religiosam Vitam vocasti, & auxiliô Gratiæ Tuæ traxisti? Quæ mea merita, ut cum Filijs Dei ego maximus peccator consortiû habeam? Non sum dignus, ut sim servus servorum Tuorum! & me illorum confratrem fecisti, illorum sanctæ Societati annumerasti! O quàm ineffa.

effabilis Tuus Dulcissime JESU
Amor erga me miserum peccato-
rem? Utinam ego ad ultimum
vitæ meæ terminum in hac ad
quam vocasti me, Religiosa Con-
gregatione singulis momentis Te
intentissimo amore diligam, Su-
perioribus ad nutum obediam, Fra-
tres meos amem, illis in necessi-
tatibus inserviam. At vide Aman-
tissime JESU; ecce adversarij ani-
mæ meæ, quàm frequenter vo-
lunt me à proposito meo abduce-
re, perfectiora videntur svadere,
sed dolosè ad peccatum superbix
ac præsumptionis pertrahere co-
nantur; sub specie humilitatis,
hypocrisis; sub specie pietatis,
vanam gloriam; sub specie solitu-
dinis, tumorem ac aliorum despe-
ctum; solent svadere. Igitur Do-
mine

mīne Deus repelle à me has inimici suggestiones, da vires animæ meæ, ut inimici tui potentiam superet, ac in statu, quem elegit, perseveret. *Hec requies mea in sæculum sæculi, hic habitabo, quoniam elegi eam.* (Psal 13.)

MEDITATIO XV.

De prudentia Religiosorum in exterioribus.

Plūctum 1. *Considera*, Religiosum Virum quamvis ubiq; etiam inter septa Monasterij, sed præcipuè extra, ac inter Sæculares conversando, debere esse summoperè circumspectum; quare ita debet ordinare actiones suas, ut nihil sit, ex quo alij scandalum sumere possint
fiat

sint, sed potius exequatur doctrinam Christi dicentis: *Sic luceat lux vestra coram hominibus, ut videant opera vestra bona, & glorificent Patrem vestrum, qui in caelis est.* (Matth. 5.) O nos miseros! si tenebras ac caliginem peccatorum ubiq; relinquimus

Punctum II. Considera, Religiosum Virum in mundo conversantem esse positum in medio luporum; o quantâ prudentiâ opus est! ne dilectam oviculam suam, scilicet animam perdat: esse positum in medio latronum, scilicet portantem thesaurum in vase fictili; (2. ad Cor: 4) oportet ergo esse providum, cautum, circumspectum, & sollicitum ambulare cum Deo suo. (Mich: 6)

Punctum III. Considera, Magistrum

strum tuum Christum velle, ut imiteris prudentiam serpentum: *Estote prudentes sicut serpentes.* (Mat. 10.) Quid faciunt serpentes? caput custodiunt, aures sepiunt, supra petram reptant: ita & Religiosus caput, hoc est principium agendorum custodiat, & ad Deum referat; sit surdus, dum blanditur mundus, caro, & Sathan; innitatur petrae, hoc est Christo, ne turpiter cadat.

Punctum IV. Considera, ac strictè examines teipsum, qualiter conversaris cum Secularibus? prudenternè, circumspectè, ac cautè? si ita, gratias age Deo; si non emenda.

Actus impetranda à Deo Prudentia.

Noverim Te Domine, noverim me; meditetur frequenter ani-

ma mea, quid post brevem hanc & miseram vitam maneat, probos & improbos, Tibi charos, & à Te aversos; fugiat proinde, quidquid à Te separat, amplectetur, quæ perfectam cum Tua Majestate unionem promovent. Compose Domine omnes animæ meæ cogitationes & affectus, & omnia mea ad Te dirige, qui rerum omnium principium es & finis, & meæ beatitudinis unicum & perfectum compendium.

MEDITATIO XVI.

De refrenatione lingua.

Pellendum I. Considera, linguam non immeritò comparari gladio acuto; nam sicut gladio si quis uti nequeat, & se & alios ferit; ita si quis linguâ malè utatur, seipsum

in ani-

in anima & alios ferit. Expende linguam tibi à Deo datam esse, ut eâ utaris ad illa, quæ spectant ad Cultum & Honorem Dei, ad utilitatem propriam, & proximorum tuorum, non autem ut alijs detrahas, obscæna loquaris, contumelijs, & convitijs alios afficias.

Punctum II. Considera, linguam hominis habere quandam conjunctionem cum corde, propter venam, quæ à corde extenditur ad linguam. Unde, qui dolosè fraudulenterq; cum proximo agit, aliud in corde, aliud in ore habens, pervertit naturæ ordinem, & graviter peccat.

Punctum III. Considera, Spirituali ac Religioso Viro famam bonam omnino esse curandam & conservandam; nam ut inquit S. Pa-

ter

ter Augustinus: *Vita propter nos, fama propter proximos.* Si verò in præsentia sæcularium Religiosus minus honesta loquatur, vel verbum detractorium, aut contumeliosum proferat, occasionem præbet malæ de se opinionis, adeoq; non curat famam.

Punctum IV. Considera, omnium Sacerdotum & Religiosorum, qui Concionibus, exhortationibus, consilijs spiritualibus ædificaverunt proximos, lingvas fore sole clariores, melle dulciores, rosis fragrantiores ac rubicundiores. è contra lingvas malorum Sacerdotum & Religiosorum post extremum Judicij diem fore cane mortuo fætidiores, vermibus plenas, igneas &c. Hinc pete à Deo, ut cum Propheta gloriari possis: Eructavit cor meum verbum bonum.

Actus Propoſiti.

O Quoties Dulciſſime JESU!
 lingua mea tam modica, ma-
 ximum vulnus animæ meæ indi-
 xit? ſed jam non amplius eâ ad-
 ſimilia utar. Ecce trado Tibi il-
 lam, qui Medicus es, ut putredi-
 nem, quam contraxit, purifices ac
 tollas. Abhinc *adhæreat lingua*
faucibus meis, ſi in omni ſermone
non meminero Tui.

MEDITATIO XVII.

De vera Sapientia.

Pillnctum I *Conſidera*, raram eſſe
 inter homines veram ſapienti-
 am, ſed ſtultorum infinitum eſſe
 numerum. Alij enim ſunt, qui
 intellectum & voluntatem rebus
 perituris totaliter immergunt, de
 divi

divitijs, de commodis carnis &c. cogitando ac ea desiderando. Alij qui se existimant mundi sapientes, nihil aliud intendunt, cogitant, nisi alios fallere, sensum verbis velare, proximum supplantare, hypocriticam submissionem ac reverentiam cæteris præstare, ut ad honores promoveri possint; amicitiam simulare, affabiliter etiam offensos sibi alloqui, & mentaliter occasionem vindictæ de proximo quærere; talis sapientia est mera stultitia.

Punctum II. Considera, maximam illorum Virorum amentiam, qui continuo legunt, scribunt, libros in lucem edunt, hâc intentione, ut habeant reverentiam, laudem, gloriam, apud omnes: Hæcne est sapientia, vanam gloriam, ac fu-

num laudis humanæ pro fine ultimato laborum suorum statuere?

Punctum III. Considera, veram Sapientiam in quatuor virtutibus præcipuè consistere 1mo in Cognitione Mysteriorum Fidei; nam Sapientia est per causas altissimas & à sensu remotas, qualis est cognitio Mysteriorum Fidei. 2do in Pietate: *Ecce pietas ipsa est sapientia*, ait S. Pater Augustinus in Enchirid. 3tio in Humilitate; *ubi humilitas, ibi sapientia*, ait Salom. 4to in Timore Dei, juxta Psaltem: *Initium Sapientiæ est timor Domini.*

Punctum IV. Considera, quanta stultitia sit illorum eruditorum, qui dum aliquâ excellunt scientiâ, intumescunt, cæteros aspernando, honores ambiunt &c. O miseri! talenta scientiæ à Deo sibi data,
in

in terra, quia in terrenis rebus ambitionis; arrogantiae, singularitatis, fodiunt; unde ipsis major damnatio instat. Deplora horum statum, ac vide, ne horum stultorum socius sis.

Actus desiderij vera Sapientia

O Increata Sapientia Dulcissime JESU! cur ad Te non anhelem? cur Te non desidero? cur Te non diligo? Eheu quàm rarò ego Tui habeo scientiam, in quo omnes thesauri Sapientiae latent! sed potius mundi Sapientiam, in qua omnis tumor, arrogantia, fraus, superbia, &c. resident, affecto, quæro, quotidie disco, quia Tua sensibus meis amara, mundi verò sapientia dulcis videtur Quæ major stultitia mea? purissimos Divi-

næ Sapientiæ Fontes spernere, & de cloaca fetida putridas ac turbidas sæcularis doctrinæ haurire aquas. O Domine Deus agnosco, & confiteor Tibi fatuitatem meam, qui sciens, in quo consistat vera Sapientia, eam addiscere renui, imò contempsi, ubi Timorem Tuum, Pietatem, ac humilitatem sectari nolui. Igitur sit jam terminus stultitiæ meæ, abhinc discam veram Tuam sapientiam auxiliante Te, & quidquid legero, scripsero, didicero, sint omnia puncta literæ, syllabæ, ad Majorem Tui gloriam. Ordinentur omnes & singuli actus intellectûs, voluntatis, ac memoriæ meæ ad hoc, ut laudetur Nomen Tuum ab omnibus, & in hac mortali vita, & postea in Cælesti Tua Gloria.

MEDITATIO XVIII.

De modestia Religiosi Hominis.

Punctum I. *Considera, Modestiam maximè Religiosos decere: hinc S. Bernard. lib. 2. de Conf. c. 15. ait: Nugæ inter Seculares nugæ sunt, in ore autem Sacerdotis vel Religiosi, blasphemia.*

Punctum II. *Considera: quod Seculares videntes modestiam Religiosorum in loquendo, faciendo, &c. sumunt bonum exemplum modestè se gerendi in actionibus suis; quodsi videant inter Religiosos, inutiles cachinnos, rixas, clamores &c. scandalizantur. Hinc per immodestiam plerumq; Religiosi æstimationem amittunt inter sæculares.*

Punctum

Punctum III. Considera, Exemplar tuum scilicet Christum Modestissimum, qui nihil tumultuosè, præproperè, ac perturbatè egit, sed omnia ad leges modestiæ, etiam in convivijis, in injurijs, in quærendo, in respondendo &c.

Punctum IV. Considera: Christus in ultima Cæna, in illo Convivio Amoris, ah! quàm modestè se gessit! Accipit panem in sanctas ac venerabiles manus suas, & elevatis oculis in cælum, gratias agens benedixit, deditq; &c. ait Canon Missæ. Vide hîc modestissimè omnia composita, manus, linguam, oculos, totum corpus &c. Et tu Religiose, si Sacerdos es, in illo, plus quàm Angelico Ministerio, accipis panem & gratias agens benedixis; O quanta & tibi adhibenda est Modestia!

D

Actus

Actus Modestia impetranda.

COLLIGANTUR quæso Domine affectus omnes, sensus, & facultates animæ meæ in Te, ut ea sic unita non dividantur, aut sese ad vanitatem & multitudinem creaturarum abijciant. Tunc me felicem existimem, dum Te in lachrymis, panisq; imitatus fuero. Sit mihi afflictio ipsa consolationi, pignusq; beatitudinis æternæ. Fugiat cor meum levitatem, dissolutionem, risum, vanaq; solatia. Omnes sensuum meorum claudantur januæ ad cujusvis creaturæ ingressum: Tibi soli Deus meus, & Creator, pateant, ut sic in Tuam transmuter immutabilitatem.

ME-

MEDITATIO XIX.

De Humilitate.

Punctum 1. *Considera: Humilitatis virtutem omnium perfectionum magistram, cælestis ædificij firmissimum fundamentum, promotricem ad summos in cælesti Regno Honores, gratiæ apud Deum, & apud homines conciliatricem. E contra: Imaginare: superbiam esse originem omnium malorum, Bonorum Spiritualium deprædatricem, summè odiosam Deo & hominibus. Hinc, si virtutes quascunq; habeas, sola autem virtute Humilitatis destituaris, nihili æstimantur apud Deum. Unde meritò dixit S. Gregor. Qui sine humilitate virtutes congregat, quasi in ventum pulverem portat.*

Punctum II. Considera: Si fueris verè humilis, semper cordis Tui quietem habiturus es; linguas effrenes detractorum ac calumniatorum non metues; cum depressus fueris, elevaberis; cum contumeliæ Tibi irrogabuntur, id pro encomijs reputabis; victus & vestitus penuria pro maximis divitijs tibi erit; & sic virtus veræ Humilitatis pacem, ac tranquillitatem animi tui efficiet.

Punctum III. Considera: proprios tuos defectus; quàm sis facilis ad iram, ad carnis commoda sectanda promptus; ad spiritualia difficilis; in devotione aridus, in loquendo vana profusus; in victu intemperans, in conversatione immodestus, alienorum defectuum, etsi minimorum, censor acerrimus, tuorum

orum vitiorum, etiam prægrandium, propugnator: Et quid de alijs in particulari peccatis tuis sentires, si hæc adverteres, semper in recenti memoria haberes; o quantum te humiliares, quantum te deprimeres!

Punctum IV. Considera, & obstupesce: quod tu miser homo, indignus terrâ, quæ te sustineat. dignus mille inferis, audeas te alijs longè melioribus præferre; cum Dominus tuus JESUS Christus Salvator mundi humiliavit se usq; ad mortem, & factus est opprobrium & abjectio plebis, cum publicanis & peccatoribus manducavit; Discipulorum suorum pedes lavit. Ah fuge superbiam Amore JESU! & te nulli præferas, sed viliorum ac indigniorem omnibus hominibus reputes.

Actus

Actus Humilitatis.

Quid mihi arrogo o Domine Deus! ego peccator maximus, esca vermium! Cur unus vermiculus, ego miser homo, me præferre alijs temerariè audeo? O amentiant & stultitiam meam! Tu Deus cùm sis Sapientissimus, Potentissimus, Ditissimus, Formosissimus, intantum Te humiliasti amore nostri, ut sceleratissimorum carnicum voluntati tempore Passionis substernereris; castissima, solis clariore membra nudari, ac ferocissimè flagellari permiseris, in cruce inter latrones probrosissimos nudus mortuus fueris, & ego stultissimus, impotentissimus, egentissimus, turpissimum propter peccata mea monstrum, me alijs ho-

mini-

minibus longè excellētioribus præfero? O Domine Deus, da gratiam hanc mihi indigno peccatori, ut me præ omnibus servis Tuis humiliem, abjectissima officia eligam, defectus tum animæ, tum corporis mei, in recenti memoria habeam, & Tibi in omni humilitate, meipsum contemptu, fideliter serviam.

MEDITATIO XX.

De vitanda simulatione.

Punctum I. Considera: Mentis candorem & simplicitatem ab omnibus commendari, signanter à S. Franc. Xav. qui ait apud Nadal. lib. 2. epist. 20. *Mentis candor atq; simplicitas, Sancti Spiritus gratissima sedes est.*

Punctum II. Considera: non esse

vitium magis indignum homine,
quàm simulatio: hæc enim est sub-
tile quidem, sed magnum malum,
virtutum fucus, tinea sanctitatis,
spuria moneta, quæ ubi ad probam
venerit, æstimationem amittit.

Punctum III. Considera: simula-
tores varijs nominibus ignominio-
sis appellari; ut: hypocritæ, ali-
ud in corde, aliud in ore ha-
bentes; simiæ homines sanctos
externè imitantes: in se autem
nihil sanctitatis veræ, habentes vul-
pes fraudulentas, oculos humanos
decipientes. &c.

Punctum IV. Considera: An hoc
vitio non labores? & magis appe-
tas esse bonus, quàm videri, si pu-
det te agnosci, qualis sis, crede,
quòd turpe est apparere, turpius
est esse.

Actus impetranda à Deo simplicitatis.

DEus Amator corde simplici-
um, quibus Tua facile secreta
communicas, tribue mihi columbi-
nam simplicitatem, cum serpentina
prudentia junctam. Simulq; gra-
tiam, quâ multitudinem implica-
tionemq; rerum inferiorum evi-
tans, unam eligam partem & le-
curissimâ, Te Deum meum, omnia
in omnibus & omne Bonum me-
um. Amem ex corde sanctissimam
Tuam legem, eidemq; me totum
subijciam; gaudeam de bonis pro-
ximorum, doleam de malis, cogi-
tem de omnibus benè; abhorre-
am fugiamq; fictum omne, & du-
plex cor.

D s

ME.

MEDITATIO XXI.

De Zelo Divina Gloria.

Punctum I. *Considera:* Quod per Vocationem ad Statum Spiritualem deputatus fueris ad propagandam gloriam Dei, iuxta illud: *Glorificate & portate Deum in corpore vestro.* (1. Corinth. 6.) Si igitur quæris commoda tua, aucuparis gloriam, & æstimationem tuam, iam non respondes vocationi tuæ.

Punctum II. Considera. Eliam, qui Zelo zelatus pro Domini Deo, (3. Reg. 19.) persecutionem, fugam, exilium, famem, sitim, sustinuit. Confundere o Homo Dei! (1. Timot. 2.) quod pro Deo, ejusq; augmento gloriæ nihil pati volueris.

Punctum III. Considera: quod Christus zelo Divinae Gloriæ incen-
sus.

sus, ubiq; Patris gloriam propaga-
bat, ostendendò modo illius ma-
gnificentiam: simile est Regnum cæ-
lorum regi: modò Amorem, Homo
quidam fecit canam magnam: mo-
dò Justitiam; Redde rationem: mo-
dò Misericordiam, Homo quidam de-
scendit &c. Modò excellentiam. Pa-
ter maior me est; Modò subiectio-
nem, Ita Pater quoniam &c. Et
quid horum fecisti?

Punctum IV. Considera: quòd
spirituales viri ministeria ac officia
Angelorum obeant in terris; An-
geli autem quid faciunt in cælis?
assiduò occupantur circa Deum in-
telligendum, amandum, laudan-
dum, &c. Agnosce o Religiose vir,
quod tuum officium, illudq; exe-
quere.

Actus

Añus Zeli Gloria DEI.

Cum Te videam JESU Bone
tanti Animas fecisse, ut pro ijs
liberandis cælò descenderis, huma-
nitatis saccum indueris, totum de-
niq; sanguinem & Vitam ipsam
profuderis: quid erit tandem! cur
ego eas parvi pendam, nec urar; li-
quelcam, & me totum effundam
pro fratrum meorum salute? O De-
us & Rex meus! Tuæ istæ manus,
sacrumq; latus perforatū clamant
ad me, docentq; Quid mihi sit fa-
ciendum, quid perpetiendum, ani-
marum gratiâ, quarum Amor &
zelus amplius Teiplum penetra-
runt, quàm ferrum, lancea, claviq;
ipsi: Imprime igitur amorem hunc,
& sanctum zelum animæ meæ, in-
flamma zelo animarum, pro qui-
bus

bus Vitam propriam impendisti. Hæc mea sunt desideria; hæc sollicitudo, absq; alio respectu aut proprij emolumenti intuitu, sed zelo solius Gloriæ Tux, ut felicem ac beatum me iudicem tuæ; cum plurimum pro eis pati, aut mori mihi contigerit.

MEDITATIO XXII.

De Zelo animarum

Punctum I. Considera te vocatum esse à Deo ad Statum Religiosum, non ad delicias, non ad carnis commoda lectanda, sed ad labores, vigilias, incommoda, nec tantum, animam tuam ut lucrifacias, sed etiam aliorum; propterea Religiosi, qui incumbunt Vitæ activæ, vocantur à SS. Canonibus, Coadjutores Episcoporum.

Punctum II. Considera, Te in statu Religioso positum constitutum esse à Deo Pastorem animarum, palce ergo commissum gregem verbo, exemplo, oratione &c. Te factum piscatorem, semper ergo tibi pendeat hamus; te esse Venatorem, semper ergo tua retia expande, ut feram aliquam, scilicet efferatam animam capias ad penitentiam. Nobis dictum est: Ecce ego mittam multos venatores & venabuntur eos, & piscatores multos, & piscabuntur eos (Joan. 16.).

Punctum III Considera, ac sæpius in mentem revoca illud Apostoli dictum: Qui converti fecerit peccatorem ab errore via sue, salvabit animam eius à morte, & operiet multitudinem peccatorum. (Jacob. 5.). Insta ergo, argue, obsecra; sin secus

fecus feceris, non Pastor, sed idolum, non venator, sed persecutor animarum, non piscator hominum, sed tuorum commodorum.

Punctum IV. Considera: Christus quos & quantos labores sustinuit zelô animarum? Hic prototypon Religiosorum est, & primus Religiosus Pauperrimus JESUS.

Actus Zeli animarum.

O Mi JESU! egone parcam sudori & sanguini meo? pro lucrando Tibi animabus, cum Tu non parcas Tuo o Domine! si possem tot animas à peccatis abducere, & ad perfectum Tui amorem adducere; quot sunt guttæ sanguinis mei, quam libenter omnes ad ultimam effunderem, optaremq; sapissimè carnem ab ossibus meis
per

per supplicia abrasam recrescere, ut novo sanguine impletis venis semper habeam alium atq; alium sanguinem, quem millies iterumq; millies ad hunc finem profunderem. Memini Te dixisse servo Tuo Carpo paratum Te iterum pati & crucifigi pro quacunq; vel unica anima; o quantum amas animas! da mihi igitur hanc Gratiam, ut nullam negligam, quam per Gratiā Tuā ad salutē iuvare possūm.

MEDITATIO XXIII.

De Tolerantia adversitatum.

Plūtim l. *Considera*: Nullum inveniri in mundo, cui aliqua non contingat adversitas, Imò qui in maiori præ cæteris divitiarum aut honorum gradu sunt, eo majoribus adversitatibus premuntur.

Pan.

Punctum II. Considera: Persecutiones, ægrotudines, tristitias, & alias adversitates, quibus premimur in hoc mundo, esse infallibilia indicia Amoris Divini erga nos! nam: *quem diligit, castigat.* Imò & prædestinationis ad Gloriam æternam esse signa, nam ipse Christus dicit: *Beati estis, cum maledixerint vobis homines, & persecuti vos fuerint, gaudete & exultate, quoniam merces vestra copiosa est in calis.* Quare affectandæ potius, quàm fugiendæ sunt, pro illisq; gratiæ Deo referendæ.

Punctum III. Confidra: Jesum Christum Salvatorem tuum amore salutis humanæ, contumelias, verbera, carceres, illusiones, ipsam deniq; ignominiosissimam mortem Crucis, inter sceleratos latrones patientissimè tolerasse: & tu quare

con-

contumelias, infirmitates, & alias
adversitates, quæ tibi evenire so-
lent, patienter non toleras amore
Christi exemplaris tui?

*Punctum 1^o. Considera ac erube-
les: Non solum Apostolos, & ali-
os innumeros fere Viros Sanctos
libenter exilia, tormenta, contu-
melias, ipsam deniq; mortem su-
bisse; verum etiam debiliorem se-
xum, scilicet, tot millia Virginum
in juvenili ætate imperterritò ani-
mò flagella durissima, ignes, rotas,
&c tolerasse: & tu Vir Religiose
cur fastidire non erubescis leves
tribulationes propter Regnum Dei.*

Actus Postulationis.

O Dulcissime Salvator JESU
Christe! quis mihi det, ut ego
moriar pro Te? ut omnes guttas
sangui-

sanguinis mei profundam amore
Tui, qui amore mei mortem su-
stinuisti, & totum de venis Sanctis-
simi Corporis Tui effudisti San-
guinem. Hoc votum, hoc deside-
rium meum, at contraria his ope-
ra ne fiant, veseor; scio enim me
hominem esse fragilem, ad impa-
tientiam velocem, ad murmur ver-
bositates & querelas profusum, &c.
Vide ergo Domine fragilitatem me-
am, da Gratiam patienter feren-
di ægritudinem, contumelias, op-
probria, &c. Amore Tui: nam;
*Leve tribulationis æternum gloria
pondus operatur in nobis.*

MEDITATIO XXIV.

De contemptu vanæ Gloria.

Punctum I. Considera; inconstan-
tiam humanæ laudis & gloriæ:
nam

nam qui Te hodie laudant, honorant, cras poſſunt vituperare, contumelijs afficere; ut videre eſt in Chriſto, cui eunti Hierololymam, multitudo maxima hominum obviavit, ſummum honorem præſtitit, amanter ac hiſariter acclamavit: *Hofanna Filio David. Benedictus qui venit in Nomine Domini*, Ac poſt aliquot dies Barabbæ ſceleſtiſſimo latroni poſtulerunt Eum & ignominioſâ morte trucidârunt.

Punctum II. Confidera; quòd ſi bona opera facias, ut ſi jejunes, Verbũ Divinum cum fervore prædices, ſi alia Charitatis, tum erga Deum, tũ erga proximũ documenta præſtes, ſi admittas deliberatè vanam gloriam & laudem humanam, ac in illa tanquam in cauſa finali tuorum actuum quieſcas, iam omnia illa opera

opera tua delinunt esse bona ac meritoria ob finem malum Hinc infer: vanam gloriam esse æruginem etiam optimos Religiosarum perfectionum fructus depascentem, esse vulpeculam parvam, quæ demolitur Vineam florentem bonorum operum.

*Punctum III. Considera; Magnam stultitiam tuam, qui ideò specimina scientiæ tuæ, aut Religiosarum Virtutum in præsentia aliorum præbuiſti, ut laudareris, & honorareris ab hominibus: idcirco cave tibi, ne fueris aliquando ex numero eorum, quibus in extremo Iudicio dicetur. *Recepisti mercedem in vita tua.**

Punctum IV. Considera; Angelum Custodem omnes paratum annotare actus tuos virtuosos; si igitur in

tur in exercitio horum actuum admittas appetentiam laudis humanæ, rubore afficis vigilantiffimum animæ tuæ Custodem, qui multum contriſtatur eô! quod cacodæmon ingens volumen habeat impletum malis operibus tuis. Ille verò nullum virtuoſum actum tuum, quem præſentet ſupremo Iudici in hora exitûs tui.

Actus Humilitatis.

Non nobis Domine, non nobis, ſed Nomini tuo da gloriã. (Pſal. 113.)
Ego vilis homuncio amore Tui omnes laudes, omnem gloriã, omnem honorem, quem Tibi Sancti Tui à creatione mundi præſtiterunt, & hucusq; tam in calo, quàm in terra præſtant, Tibi offerre non deſino. Et ſi aliquam
ego

ego miserrimus homo laudem, gloriam, ac honorem habeo, vel habiturus sum, omnia hæc à me habeno, Tuo Honori, Tux Gloriæ subijcio, omnia cogitata, dicta, facta, per totum vitæ meæ cursum, imò per interminabilem æternitatem, Tibi Ter Optime Maxime, Deus ad Majorem cedant Gloriam.

MEDITATIO XXV.

De moderata refectiōe corporis.

Punctum 1. Considera; quemvis hominem in hac mortali vita degentem ideò edere ac bibere, ut vivat, non autem ideò vivere, ut edat, & bibat, nisi irrationabili bruto similis esse velit. Imò consuadere, quod etiam à brutis multoties in abstinentia superatus fueris, nam bruta ita edunt, ac bibunt

bibunt, ut tantummodò fame-
 scentis stomachi necessitati satisfac-
 ciant, postea autem omnes cibos
 sibi porrectos respuunt. Heu quan-
 ta amentia hominum ad imaginem
 Dei creatorum! quantus pudor, à
 brutis confundi!

Punctum II. Considera; quæ &
 quanta mala nimia sumptio cibi &
 potûs adferat; Stomachus agita-
 tur doloribus, caput cruciatu affli-
 gitur, ex ore fator, tremulæ ma-
 nus, pedes instabiles, nutans caput
 &c. è contra Abstinencia seu tem-
 perantia in cibo & potu hæc ma-
 la aufert, hominem Deo & Ange-
 lis amabilem facit.

Punctum III. Considera; quod si
 nimium delicatè foveas carnem tu-
 am, hostem domesticum nutris,
 qui cum mundo & diabolo con-
 spiravit

spiravit contra te, ut animæ tuæ per peccatum mortale iniiciat vincula perpetuæ servitutis sub imperio principis tenebrarum.

Punctum IV. Considera; Temperantiam maximè à Religiosis servandam esse, nam cum hi longè magis obligentur ad sectandam vitæ perfectionem, quàm seculares, ad maiorem etiam tenentur abstinentiam, stante valetudine corporis. Ideoq; multum confundere, quòd cum sis Religiosus, tamen à multis sæcularibus in hoc superaris: imò si illis aliquando malum exemplum præbueris ex crapula & ebrietate, dole de tam gravi culpa, ac firmiter propone nunquam offendendi Deum gulæ vitiò.

Aëus Postulationis.

ET quis est Domine dilectus servus Tuus, qui non rapiatur aliquantulum extra metas necessitatis! (Aug. lib. Confess.) Fateor Tibi, quòd adversum me non solum à Christianis in sæculo viventibus, sed etiam ab Ethnicis, Judæis, & Barbaris, in temperantia superari. En illorum plurimi bi-duana, triduana, &c. sine omni alimento perferunt ieiunia, & ego unius diei abstinentiam tolerare non possum. Vide fragilitatem meam, & succurre ei, da vires, possim resistere corpori meo, sensissimò hosti animæ meæ, ut illud in servitutem redigens, Tibi in abstinentia, quæ est omnium virtutum nutritrix, serviam.

MEDITATIO XXVI.

De Mansuetudine.

Punctum I. *Considera*; Clementiam ac Mansuetudinem, præcipuè Superioribus maximè esse necessariam, tum quia sic stabilior est eorum Superioratus, iuxta illud: *Gloratur clementiâ Thronus eius.* (Prov. 20.) Tum quia; sic possunt suorum subditorum, quò volunt, flectere animos: certè quòd suaviter non evincitur: coactè vix poterit extorqueri.

Punctum II Considera! quòd Superior in correctione subditorum, seipsum & Deum cogitare debeat, qualem hunc sibi esse vellet, talem se præbeat suis. O si quoties labimur (cùm septies in die cadat iustus) toties ad penam
 B 2 pro.

prorumperet Deus! ad quæ non ultimæ desperationis littora volveremur? aut quis salutem sperare audeat, si ad omne delictum ruant fulmina?

Punctum III Considera; sub duro imperio nihil boni contingere, sed omnia mæroribus plena, plurimos otio torpescere, suspicionibus laborare, metu natæ omnia; & dum perpetuus rigor obversatur animo, tam altè odia mixta doloribus imbibuntur, ut nonnisi cum vita deponantur. Quare nec amica inter domesticos erunt colloquia, quia non tuta: nullius frons ad hilaritatem composita, omnium ad mærorem; si quid dicendum circumspiciunt singula, & medias ferè narrationes occidunt; ita dum penduli semper hærent, nun-

nunquam animum profundunt,
claudunt centum clavibus, ut iam
pro candore simulatio irrepat; exu-
lare cogatur veritas, succedant do-
li, sœvaq; Religionis pestis, de-
tractio.

Punctum IV Considera, ac forti-
ter animo tuo imprime illud Ru-
dolphi Imperatoris dictum: *seve-*
rum ac immitem fuisse me aliquando.
penituit, lenem ac placabilem nūquam.
Et illud *Violenta nemo Imperia con-*
tinuit diu, moderata durant.

Actus impetrande à Deo
Mansuetudinis.

VEræ Mansuetudinis Magister,
qui dixisti: *Discite à me, quia*
mitis sum & humilis corde: Conce-
de mihi hanc excellentissimam vir-
tutem, cujus Tu & Magister no-

bis, & exemplum esse voluisti, fac me absolutissimam illam Tuam mansuetudinem imitari, ne ulla in corde meo lateat amaritudo, nulla in verbis impatientiæ aut iræ appareant signa, nulla in operibus vindicta sequatur, sed constans semper sit anima mea, cum tanta inter injurias, & miseræ huius vitæ incurtu pace & quiete, ut gratum Tibi sit in ea habitare, & Gratiæ Tux Donorumq; plenitudine tandem ditare.

MEDITATIO XXVII.

De Fraterna Correctione.

Proverbum 1. *Considera*; quod iuxta S. Franciscum Xaverium! *Misericordie est reprehendere errantes.* (Lib. 1. ep. 7.) Quare, dum vides peccantem, & corrigis, exerces non solum

solum Actum Charitatis, sed etiam Misericordiae; corrige ergo verbum, exemplò, &c.

Punctum II. Considera: Si Superior es, te ex officio obligari ad plectenda delicta tuorum subditorum; alit magna tibi cautione opus est; diversa ingeniorum est indoles, plerique corrigi possunt comitate, & affabilitate tua, sunt etiam aliqui, qui non moventur, nisi gravi impulsu.

Punctum III. Considera: Si fratrem peccantem emendare negligis, non diligis; cæcum ad præcipitium tendentem, si non admones periculi, diligere proximum; sic & fratrem tuum, si à ruina spirituali non revocas. O nos miseros! si in fronte navus, in veste floccus. cernatur, admonemus, & si tota fratris

anima, ulcus sit & cadaver, nihil commovemur!

Punctum IV. Considera: si proximi asinus in puteum ceciderit, ut eximatur, accurrimus; Væ nobis, si proximum sordere in delicto, immoti aspicimus. Si dicas: numquid ego. custos sum fratris mei? Caini hæc responsio, crede. & factum ejusdem, si fratrem non corrigis. Dices, non audit me: Dic ergo Ecclesie, modò per prius observes Evangelicam monitionem.

Actus petenda à Deo iustitia.

Domine JESU Christe, qui Iustus noster es, & Iustitia nostra: concede, obsecro, mihi Gratiâ Tuam, quâ noverim Laudis Tibi Sacrificium, propter id, quòd in Te ipso es, offerre; propter

Bene-

Beneficia, quæ in me liberalissimè contulisti, & omnia, quæ mei gratiâ operatus & passus es. Desileam quæso peccata, quæ in Te admisi, negligentiamq; meam in legitimo pretiosissimorum Donorum Tuorum usu. Servem & vota mea, & mandata Tua; tantaque attentione & sollicitudine in quocunq; Tuo opere solius Tui amoris occuper intuitu, ac si ex illorum singulis tota mea felicitas, omneq; bonum meum dependeret. Ne quæso, in proximum meum eorum quidquam admittam, quæ iuxta iustitiæ leges nollem in me; è contra; quidquid ex iustitia mihi fieri vellem, id etiam faciam proximo. &c.

E s

ME.

MEDITATIO XXVIII.

*De Observantia Regulae &
Statutorum.*

Punctum I. *Considera*; quòd spiritus Sanctissimus Ordinū Ductor ac Instructor normam vivendi nostris Patribus tradidit, præfixitque limites, quos transgredi, temerarij, arrogantisque animi signum est. Quare Religiosus majorum suorum placitis sedulò inhxere debet, nec ad sinistram ab ijs, nec ad dextram deflectat, nec gaudeat novis à se inventis, aut ab alijs mutatis, sed fortiter primis institutis insistat.

Punctum II. Considera; Quòd Religiosus non minùs minimis, quàm maximis incumbere debeat, sciens: Regulas omnes à Deo provenire,

&c

& à minorum neglectu, ad maiora sensim delabi! ad ardua armamur, inermes ad minora decurramus! Quare prudens licet omnem hostem metuere debet, maiori tamen sollicitudine etiam minimo invigilabit.

Punctum III. Considera: Quòd in Nostro Ordine, licet Regula & Constitutiones (nisi adfuerit gravis contempus:) non obligent sub mortali, tamen transgressio earum non vacat culpá veniali, multumq; deformat Religionis decorem. Deinde, ut ait D. Bonavent. Cavenda est negligentia exterioris disciplina cuius desertio signum est neglectæ conscientie, & interioris levitatis. (De sex Alis cap. 3.)

Punctum IV. Considera: Quomodo te geras in observantia Regule ac

hæc ac statutorum Ordinis Tui ! Bene ? Dic cum Propheta : *AAA Domine*. Male ? Corrige.

Actus petenda à Deo Discretionis.

Quis possit Domine, tempestuosum hoc mare à profunditatis altitudinisq; periculosis extremis navigare securus, nisi Navem Ipse Sanctæ Discretionis dirigas gubernaculô ? Hæc enim Discretio est illud tal, quod omnibus sacrificijs adhiberi voluisti : hæc mensura, omniumq; Regula Virtutum; hæc Actionum bonarum perpendiculum, hæc initium, medium, finisq; eorum omniũ, quæ grata sunt Tibi; sine qua vitium est, quòd virtutis specie tegitur, & Oculis Tuis abominabile, quòd apud hominès est alicujus pretij. Da igitur

tur mihi, Deus meus, thesaurum hunc, Ducem & Magistrum omnium Virtutum, & fac me imprimis cognoscere & æstimare, quid inter Te Creatorem meum, & creaturas intersit. Fac, ne in meis actionibus mihi, sed aliorum potius consilio Virorum, præcipuè Spiritualium, Prudentumq; nitar; Deniq;, ut ipsi lapsus, si qui contingant interdum, experimento mihi sint & admonitioni, quâ eos in posterum caveam diligentius. &c.

MEDITATIO XXIX.

De gravitate peccati venialis.

Punctum I. *Considera*: per peccatum veniale multoties transiri ad peccatum mortale: ut patet in Davidis curioso aspectu ex fenestra; qui aspectus non excessit peccatum

catum veniale! & quantorum maiorum fuit causa, scilicet, Adulterij, homicidij &c.

Functum II. Considera; quàm frequenter Deus puniat pro uno peccato veniali graviter, etiam Iustissimos homines; sic: quia David propter vanam gloriam iussit numerari milites suos, septuaginta millia hominum peste sublata sunt. (Reg. 24.) Sic quia ille pauper homo die Sabbathi frustra lignorum colligebat, lapidibus ex mandato Dei obrutus est. (Numer. 15.) Moyses Dilectus Deo & hominibus, (Deutor. 34.) quadraginta annis quærens terram promissionis, non vidit illam, sed mortuus est, in pœnam peccati venialis. Et plura alia.

Functum III. Considera: quòd in
altera

altera etiam vita peccata venialia igne purgatorij puniantur, quæ pæna tam gravis est, ut omnes cruciatus Martyrum, omnes lani-
genas, & carnificinas, qualcunq; passi sunt & patientur latrones, superet; ut communiter sentiunt DD. cum S. P. Augustino.

Punctum IV. Considera; quàm grave sit peccatum veniale, sitam gravem pænam meretur: nam pæna debet proportionari culpæ. Hinc infer: quas pænas merueris pro tot millionibus peccatorum Venialium, quæ floccipendis.

Actus Amoris Dei.

O Amor meus! o Dulcedo mea!
o Sævitas cordis mei! JESU
Christe! quantum Te amare de-
beo, qui tam Misericors es erga me
indi-

indignū peccatorem. Quotidie non
 cesso peccare, gravitatē peccatorum
 venialiū non considero, unde maxi-
 mas mihi accumulo pænas, quas Tu
 Clementissimus Pater differs, & ad
 pænitentiam suaviter per internas
 inspirationes vocas. O si ab hac
 hora ne minimo quidem peccatō
 veniali Te ostendere possem, non
 timore pænarum, quas miser pro-
 merui, sed solō Amore Tui! Da
 Gratiam, Benignissime Deus, hoc
 propositum effectuari.

MEDITATIO XXX.

De gravitate peccati mortalis.

Punctum 1. *Considera:* Animam
 tuam, dum est in Gratia Dei, esse
 formosissimā, aureo Virtutū amictu
 vestitā, Deo ac Cælitibus gratissimā,
 esse Hæredem Dei, Cohæredem

auream

autem Christi, esse Participem Naturæ Divinæ, adeoq; Filiam Dei adoptivam &c. Si verò peccatum mortale commiseris, jam Gratiâ Divinâ, consequenter omni formâ & ornatu spoliatur Anima Tua, exhæreditatur ex Bonis Celestibus, fit odiosa Deo & Angelis, efficiturq; turpissimum ac fœdissimū monstrū, ipsi dæmoni non ab simile.

Punctum II. Considera: In ipso temporis puncto, in quo aliquis peccat mortaliter, habet in eum potestatem diabolus, talem, ut si Deus misericordiâ motus non impediret, statim ad infernum raperet peccatorem cum anima & corpore, ut potè rebellem supremæ Majestati Divinæ.

Punctum III. Considera: ac imaginare: Omnes Creaturas confurgere

gere contra peccatorē; & imprimis
 quatuor mundi Elementa: Ignis
 vult eum comburere, àër peste in-
 ficere, aqua submergere, terra de-
 glutire; tum animalia bruta; leo
 discerpere, Aquila rostrò oculos e-
 ruere, lupus devorare, aſpis cum
 serpentibus venenatis mordere,
 urſus in minimas partes dividere,
 ac rapacibus avibus in partem da-
 re &c.

*Punctum IV. Confidera: Peccato-
 ri, quòcunq; ſe vertat, pericula tan-
 ta imminere. Quare quantociùs
 reſurgere debet, & confugere ad
 ſacratiffima vulnera Chriſti Domi-
 ni noſtri per Actum Contritionis
 & Confefſionis, qui non vult mor-
 tem peccatoris, ſed magis, ut conver-
 tatur & vivat? & ſic evadet immi-
 nentia ſibi pericula.*

Actus Contritionis.

Pater Clementissime, peccavi super numerum arenæ maris, non sum dignus vocari Filius Tuus, qui universam Gratiæ & Beneficiorum Tuorum ego prodigus filius dissipavi substantiam. Et jamne desperabo? non! scio enim de Tua Misericordia infinita, quam præstas etiam maximo peccatori, si supplex per veram pœnitentiam ad Te convertatur. Quocirca licet gravissimis peccatis Te Clementissimum Dominum offenderim, pro quibus merui, ut discerpar in frusta à rapacibus animalibus, ut me vivum terra absorbeat, ut à dæmonibus rapiar in infernum. Nihilominus confidens summæ Bonitatis Tux, ad Te recurro in his meis
peri.

periculis. Ad quem enim alium, niſi ad Te vadam, non video: Tu enim es Amantiſſimus omnium Noſtrum Pater, Tu in afflictionibus ſolacium, Tu contra adverſarios noſtros ſubſidium, Tu ad Te confugientium es Proteſtatio ac ſingulare aſylum. Da igitur mihi ſtolam Gratix Filio prodigo Sancte Pater; da annulũ filialis Timoris ac amoris Tui, refice elurientẽ virtutum alimoniã, potu Iuſtitix originalis, quam perdidì cum primis Parentibus meis, debiles animæ meæ refocilla vires; imminencia ſaluti animæ meæ averte pericula. Efficce id: ut hâc horã ſit finis peccatorum meorum, & ſimul principium amoris erga Te, in quo perſeverem non ſolùm ad terminum Vitæ meæ, ſed in æternũ. Am.

FOR-

FORMULA*Vita Religiosa Ex D. Bernardi*

SI plenè vis assequi, quòd intendis, duo tibi sunt necessaria. Primum est, ut subtrahas te ab omnibus transitorijs rebus, & terrenis, ut nihil de eis cures, ac si non essent. Secundum est, ut ita te des Deo, ut nihil dicas vel facias, nisi; quòd credideris firmiter placere Deo.

Primum autem assequeris hoc modò: Omnibus modis, quibus potes, te vilifica, te nihil reputando esse, sed credas omnes homines esse bonos, & meliores te, magisq; placere Deo. Quæcunq; audis vel vides, in Religiosis personis, puta bonâ intentione dici vel fieri, etiamsi contraria videantur: nam
huma-

humana ſuſpicio facilè fallitur. Nulli diſpliceas. Nihil unquam de te loquaris, quòd laudem importet, quantumq; ſit familiaris ille, cum quo loqueris; imò plùs labora celare virtutes, quàm vitia. De nullo finiftrè loquaris (quantumcunq; ſit verum vel manifeſtum) niſi in Confefſione, & hoc ubi non poteris aliter manifeſtare peccatum tuum. Libentiùs accommoda aurem tuam, cùm quis laudatur, quàm cùm vituperatur. Cùm loqueris, verba tua ſint rara, vera, ponderoſa, & de Deo. Si ſecularis loquitur tecum, & vana proponit, quàm citiùs potes lucide ſermonem, & transferas te ad ea, quæ Dei ſunt. Quidquid contingat tibi vel alijs, quantumcunq; conjuncto, non cures; & li eſt adverſum,

sum, non tristeris, si est prosperum,
non lateris, sed totum nihil pu-
ta, & lauda Deum. Sollicitudi-
nem adhibe, quantam maximam
potes, ut vilitati tuæ sedulus in-
tendas. Fuge locutoria, quan-
tum potes: melius enim est sile-
re, quàm loqui. Post Completo-
rium non loquaris. quousq; finita
sit Missa sequentis diei, nisi causa
maxima intervenerit. Cum vi-
des aliquid, quòd tibi displicet, vi-
de, si hoc est in te, & abscinde;
si verò vides aliquid, quòd tibi pla-
cet, vide, si hoc est in te, & tene:
si non est, assume; & sic erunt
tibi omnia in speculo. De nulla
re murmures cum aliquo (nisi cre-
dideris prodesse) quantumcunquè
sit grave, quòd habes. Nunquam
pertinaciter aliquid affirmes, vel
neges,

neges, sed sint tuæ affirmationes dubitationis tale conditæ. A cachiinnis semper abstinenceas, rideas verò ratò, & cum paucis præstes os tuum. Breviter: In omnibus dictis tuis sic te habeas, ut sint ita, quæ dubia dimittantur.

Secundum allequeris hōc modō: Orationibus cum magna devotione intendas, & eas dicere labora horis debitis; & quòd offers in oratione, reminiscaris in corde: & ut ea, quæ legis, confirmes, diligenter recogita, & eorum imagineris statum, in quorum memoria hæc dixeris. Ista tria semper in mente habeas: Quid fuisti? quid es? quid eris? Quid fuisti? quia sperma fatidum: Quid es? quia vas stercorum: Quid eris? quia esca vermium. Similiter imagineris eorum

eorum pœnas, qui sunt in inferno;
& quòd nunquam finientur, & pro
quàm modica delectatione, tanta
mala patiuntur! Similiter imagi-
neris Gloriam Paradisi, & quòd
nunquàm finietur, & quàm brevi-
ter, & citò acquiritur, & quantus
luctus & dolor poterit esse illis,
qui pro parva re, tantam gloriam
amiserunt. Cùm habes aliquid,
quod tibi displicet, vel times ha-
bere, cogita, quod si tu esses in
inferno, & illud, & quidquid nolles,
haberes. Et cùm habes aliquid,
quod tibi placet, vel optas habe-
re; cogita, quod si tu esses in Pa-
radiso, haberes illud, & quidquid
velles. Si autem in inferno esses,
nec illud, nec aliud, quod velles,
haberes. Quandocunq; est Fe-
stum alicujus Sancti, cogita de illo,

F

quan-

quanta sustinuit propter Deum,
quia brevia; & qualia adeptus est,
quia æterna. Similiter cogita, quia
traieunt bonorum tormenta, ma-
lorum gaudia. Hi cum istis tor-
mentis adepti sunt Gloriam æter-
nam, & isti ex indebitis gaudijs
æternam pœnam. Quandoquq;
te vincit acedia, accipias hoc scri-
ptum, & imagineris hæc omnia di-
ligenter; & cogita de tempore,
quod illi, qui in inferno sunt, da-
rent totum mundum, (si haberent)
pro eo. Cum habes aliquas tri-
bulationes, cogita, quod illi, qui
sunt in paradiso, careant ijs. Si-
militer, cum habes aliquas conso-
lationes, cogita, illos de inferno,
carere ijs. Omni die, cum vadis
cubitum, examina diligenter, quid
cogitasti, & quid dixisti in die; &
quo-

quomodo utile tempus & spatium, quod datum est ad acquirendam Vitam æternam, dispendisti: & si bene transivisti, lauda Deum, si malè, vel negligenter lugeas; & sequenti die non differas confiteri; si aliquid cogitasti, dixisti, vel fecisti, quod tuam conscientiam multum remordeat, non comedas, antequam confitearis. Istud in fine pono, ut imagineris duas Civitates: Vnam, plenam omnibus tormentis, quæ est infernus. Alteram plenam omni consolatione, quæ est Paradisus, & ad unam illarum oportet te currere. Vide, quid te possit trahere ad malum, vel impedire à bono? Credo, quod nihil invenies. Certus sum, quod si bene servaveris ea, quæ sunt hîc, Spiritus San-

Etus habitabit in te, & perfectè docebit, te facere omnia. Ergo bene serves ista, & nihil negligas; & lege ea in septimana bis, scilicet in die Mercurij, & in die Sabbathi, & ut inveneris te fecisse, quod scriptum est lauda Deum, qui est Pius & Misericors in sæcula sæculorum, Amen.

M O N I T A.

Ex Dacriano Abbate Benedictino.

I.

IN omnibus, quæ agis, tractas, aut loqueris, Honorem Dei per sanctam Intentionem purè quære, & custodiendæ cordis munditiæ, liberatiquè invigila.

II.

II.

Plenâ fiduciâ te totum, & omnia tua Deo committe, ita ut Ejus Voluntas, æternaq; Dispositio sit tibi semper pro summo solatio. Et siue in tenebris, siue in tribulatione, siue in prosperitatis successu, siue in cordis angustia, siue in cordis latitudine, siue in donis pauperem, siue in iisdem, divitem, te esse voluerit, rectè de Bonitate Ejus sentias, & gravia ac molesta quæq; de manu Pietatis, atq; Providentiæ Illius humiliter, patienter, & hilariter suscipias; certò credens: Eum omnia pro tua salute ordinare, uniceq;

optans, ut ipsa voluntas Ejus
omni tēpore in te perficiatur.

III.

Ea, quæ nullâ ratione in te,
vel alijs, corrigere potes, Deo
commenda, longanimiter ex-
pectans, donec Ille aliter de
his, quæ tibi malè habere vi-
dentur, disponat.

IV.

Injuriã, seu contumeliã, tibi il-
latã, si cū lætitia nondū ferre
potes, non tamen propter il-
lam, insipienter perturberis,
neq; irã excandesceas, sed tran-
quillus permanere stude; nam
indigniora pro te Deus tuus
mansuetissimè toleravit. Er-
go in talibus ferocientem

anîmi impetum religa & re-
prime, Deumq; qui te iustè
quidem, sed saltem ex amore
affligi permittit, magis, quàm
hominem, qui te affligit, at-
tende.

V.

Alteriùs Voluntatem potiùs,
quàm tuam facere ama, & ju-
dicio alteriùs tuum iudicium
facilè submitte; proprio sen-
tui nunquàm proteruè inhæ-
rens, neq; aliquid sanctæ Obe-
dientiæ præponens.

VI.

Nunquam alicui te præferas,
nunquam aliquem contempnas:
omnium vilissimum, indignis-
simumq; te existima, omni-

bus te subijce, omnibus propter Deum servire desideras; & eos, qui te monent, aut reprehendant, etiamsi inferiores videantur, æquanimiter audi, magis eligens culpam humiliter agnoscere, quàm contentiosè ac superbè teipsum excusare.

VII.

Tam libenter esto minimus, quàm fortè aliquis alius vellet esse maximus; & abjectus, non autem honorabilis haberi concupisce, ut Christo, sacræq; Ejus Genitrici MARIÆ similis appareas.

VIII.

Alicui placere vanè non affe-

tes, neq; displicere inaniter
pertimescas. Et hominum,
maximè mulierum, notitiam,
familiaritatem, aut singula-
rem erga te dilectionem, ne
expetas.

IX.

Aliorum dicta, vel facta, tu
temerè neq; judices, neq; di-
scutias, & superfluis curis te
non implices, Verbaq; detra-
ctoria loqui, aut etiam audi-
re, quantum potes, caveas.

X.

Benignum & affabilem omni-
bus te præbe: de aliorum
bonis, sicut de proprijs, gau-
de, & aliorum malis ingemi-
sce, omnes sincera charitate
diligens,

diligens, neminem, quantumvis etiam molestum odî habens, de nullius salute desperans, & imperfectis quibuscumque piam compassionem magis, quam turbulentam indignationem impendens.

XI.

Mundi vanitates, carnisque voluptates vilissimas sperne, Immortali Animæ tuæ Sponsore ipsum servans, & in eo solatia constituens.

XII.

Paucis contentus esto, & simplicibus delectare, memor paupertatis, quam, pro te assumpsit, tibiq; commendavit, DEUS tuus; Tu discipulus, ille
Magi-

Magister; tu servus, ille Dominus: gaudeat discipulus, dum imitatur Magistrum; exultet servus, dum sequitur Dominum.

HÆC DOCUMENTA crebrò inspicere, ac lege, DEUMQ; precare, ut ea adimplere possis, sine Cujus Gratia nihil Boni facere potes. Malæ suggestiones non adiment in te virtutem, si eis dissenseris, inò verò laboris molestia, quam in talibus sustines, virtutem perornat, meritumquè adauget. Interna etiam instabilitas, quâ tibi nolenti cor inter precandum piallendumq; miserè distrahitur, non tollit

122 *Mensis Asceticus Relig: Homine.*
lit orationis tuæ fructum,
sicut nec sterilitatis, ariditatis-
quæ gelu, quò te assidue con-
stringi, conquereris: sed curare
debes, ut vigili, strenuâ, &
fidei diligentia sanctum illud
opus reverenter peragas: nam
crescente in te humilitate ac
charitate, aliquando tibi fortè
dabit, ut serenâ attētaq; mente
rebus Diuinis attendas.

Vale, & Ora pro me.



...e
...d
...e
...e
...e

